



O ai e mauaina faaaliga mo le Ekalesia?

Ia Aokuso 1830, o Ailama Page, o se tasi o Molimau e Toavalu o le Tusi a Mamona, na faapea mai, sa mauaina ni faaaliga se lua e uiga i le nofoaga i le lumanai ma faatulagaga o Siona e faaogaina ai se maa talifaaaliga uliuli. O nei faaaliga na feteenai ma faaaliga na tuuina mai muamua ia Iosefa Samita, ae o le toatele o tagata o le Ekalesia na talitonu i ai.



Faaaliga mo le Ekalesia

Ina ua tatalo Iosefa e uiga i faaaliga a Ailama, na aoao mai le Alii, “E leai se tasi e tofia na te mauaina poloaiga ma faaaliga i le ekalesia lenei, vagana ai la’u auaua [o le perofeta]” (Mataupu Faavae ma Feagaiga 28:2). Na ia tautino mai “o mea na ua tusia e [Ailama] mai lena maa ua le mai ia te au ma . . . Ua faasese o ia e Satani” (Mataupu Faavae ma Feagaiga 28:11).

Sa mulimuli ane lafoai e Ailama ana faaaliga, ma na autasi tagata uma e faapea o le perofeta e na o le pau lea o le talifaaaliga mo le Ekalesia a Keriso.

Aisea e taua ai le iloa e na o le perofeta soifua e mafai ona maua faaaliga mo le Ekalesia atoa? E faapefea e lenei faiga ona puipui i tatou mai le faaseseina?

Vaai atu i le Perofeta ma Aposetolo

Na lapatai mai Perisitene M. Russell Ballard o le Sui Perisitene o le Korama a Aposetolo e Toasefululua e faapea:

“Tulai atu pea lau vaai i le Au Perisitene Sili ma le Korama a Aposetolo e Toasefululua. Matou te le taitaiseseina lava outou. Matou te le mafaia. . . .

. . . Afai e tau atu e se tasi ia te oe na latou maua se faaaliga lea e lei mauaina e le Au Perisitene Sili ma le Toasefululua, o ese mai ia i latou.”¹

FAAMATALAGA

1. M. Russell Ballard, “When Shall These Things Be?” *Ensign*, Dec. 1996, 57.

